

ՀԵՏԱԶՈՏԱԿԱՆ ԱՇԽԱՏԱՆՔ

Թե՛մա՝ Նախադպրոցական կրթության պետական կրթական
չափորոշիչը և կերպարվեստի մեթոդիկային ներկայացվող
պահանջները

Հաստատություն՝ 53 մանկապարտեզ
Դաստիարակ՝ Լուսինե Բադայան
Ղեկավար՝ Ավետիսյան Ժաննա

Երևան 2022

ԲՈՎԱՆԴԱԿՈՒԹՅՈՒՆ

Ներածություն.....	3
ԳԼՈՒԽ 1. Նախադպրոցական կրթության պետական կրթական չափորոշիչ	
1.1. Նախադպրոցական կրթական հիմնական ծրագիր կրտսեր առաջին խումբ (2-3 տարեկաններ)	4
1.2. Գեղագիտական դաստիարակության դերը կերպարվեստային գործունեության մեջ...5	
1.3. Կերպարվեստային գործունեություն.....	7
ԳԼՈՒԽ 2. Հետազոտական մաս	
2.1. Կերպարվեստային պարապմունքների նախապատրաստում.....	10
Եզրակացություն.....	14
Գրականության ցանկ.....	15

ՆԵՐԱԾՈՒԹՅՈՒՆ

Նախադպրոցական հաստատության սանի լիարժեք զարգացման, նրա անձնավորության ձևավորման գործընթացների արդյունավետությունը պայմանավորված է ուսումնադաստիարակչական աշխատանքների ճիշտ և գրագետ կազմակերպելուց: Ինչի համար պարտադիր է ծանոթ լինել նախադպրոցական կրթության պետական կրթական չափորոշչին: Գեղագիտական դաստիարակության հիմնական մանկավարժական պայմանը արվեստի ստեղծագործություններով հարուստ գեղագիտական միջավայրի, կենցաղի գեղագիտության ապահովումն է: Հարկ է արվեստի ներգործությունը գեղագիտական դաստիարակության ընթացքում: Կերպարվեստի պարապմունքները սաների ամենասիրելին են և որպեսզի ապառվեն նրանց զարգացումը, զուգակցելով հաճելին և օգտակարը՝ անհրաժեշտ է ուսումնասիրել կերպարվեստի պարապմունքներին ներկայացվող պահանջները:

Աշխատանքի արդիականությունը պայմանավորված է մանկապարտեզի ուսումնադաստիարակչական գործընթացի արդյունավետության բարձրացմամբ՝ կերպարվեստի մեթոդիկային ներկայացվող պահանջների ուսումնասիրման, բացահայտման և կիրառման միջոցով, որն իրականացվում է նախադպրոցական կրթության պետական կրթական չափորոշիչով:

Թեմայի նպատակն է՝ ուսումնասիրել և բացահայտել նախադպրոցական կրթության պետական կրթական չափորոշիչի և կերպարվեստի մեթոդիկային ներկայացվող պահանջների համապատասխանությունը:

Թեմայի կիրառական նշանակությունը

Թեմայի ուսումնասիրության ընթացքում մեկնաբանվել և վերլուծվել են նախադպրոցական կրթության պետական կրթական չափորոշիչի պահանջները, կերպարվեստային գործունեության նպատակը, խնդիրները, վերջնարդյունքները, նախադպրոցական հաստատությունում կիրառելու տարբերակները, որոնք կարող են մեծապես նպաստել.

- նախադպրոցական հաստատության մանկավարժական գործընթացի արդյունավետության բարձրացմանը,

- Կերպարվեստի պարապմունքների ճիշտ և գրագետ պլանավորման ու անցկացմանը:

ԳԼՈՒԽ 1. Նախադպրոցական կրթության պետական կրթական չափորոշիչ

1.1. Նախադպրոցական կրթական հիմնական ծրագիր կրտսեր առաջին խումբ (2-3 տարեկաններ)

Կրտսեր առաջին խմբի 2-3 տարեկանների կրթական հիմնական ծրագրով սահմանված մակարդակն ապահովվում է կրթության բովանդակային բաղադրիչների միջոցով՝ սաների հոգեֆիզիոլոգիական առանձնահատկությունների ու կրթության և զարգացման առանձնահատուկ պայմանների կարիքի հաշվառմամբ [4]:

Կրտսեր 1-ին խմբում սաների հետ օրվա կանոնակարգային պահերին կազմակերպվող աշխատանքն արտացոլվում է 5 ծրագրային բաղադրիչներում՝

1. խոսքի զարգացում,
2. ինձ շրջապատող աշխարհը,
3. ֆիզկուլտուրա,
4. երաժշտություն,
5. կերպարվեստ և կառուցողական աշխատանք:

Ծրագրային այս բաղադրիչների զատումը պայմանական է, դրանք սերտորեն փոխկապակցված են: Սանի զարգացումը համակողմանի և լիարժեք է ընթանում, եթե բոլոր բաղադրիչներով միաժամանակ և շարունակական աշխատանք է տարվում: Ծրագրային բոլոր բաղադրիչներն ուղղված են ոլորտային վերջնարդյունքների ապահովմանը, որոնք էլ միտված են առանցքային կարողունակությունների ձևավորմանն ու զարգացմանը նախադպրոցական տարիքի ավարտին:

Նախադպրոցական տարիքի ավարտին սանից ակնկալվող կարողունակություններն են՝

1. լեզվական և հաղորդակցական կարողունակություն,
2. ճանաչողական և մոտիվացիոն կարողունակություն,
3. ինքնաճանաչողական և սոցիալական կարողունակություն,
4. ժողովրդավարական և քաղաքացիական կարողունակություն,
5. թվային և մեդիա կարողունակություն,
6. մշակութային կարողունակություն,

7. մաթեմատիկական և տեխնիկական կարողունակություն,
8. տնտեսական կարողունակություն,
9. ֆիզիկական կուլտուրայի կարողունակություն:

Ծրագրային բովանդակությունը ապահովում է 2-3 տարեկան սաների տարրական պատկերացումների, հմտությունների և արժեքային համակարգի ձևավորումը՝ յուրաքանչյուր սանի զարգացման առանձնահատկությունների ու կրթության և զարգացման առանձնահատուկ պայմանների կարիքի հաշվառմամբ: Ծրագիրը սահմանում է տվյալ տարիքային խմբի (2-3 տարեկանների) ուսումնաստիարակչական գործընթացի բովանդակության կառուցվածքը, ուսումնական տարվա սկիզբը, ավարտը, հիմնական ուղղությունները ներառող շաբաթական պարապմունքների քանակը, կանոնակարգային պահերը, շաբաթական բեռնվածության առավելագույն քանակը, տարեվերջին սաներից ակնկալվող վերջնարդյունքները՝ ըստ զարգացման ոլորտների:

2-3 տարեկանների կրթական հիմնական ծրագրին ներկայացվում են հետևյալ պահանջները՝

- համապատասխանությունը նախադպրոցական կրթության պետական կրթական չափորոշչին,
- կրթության աշխարհիկ բնույթը,
- երեխաների և մեծահասակների փոխգործունեության երեխայակենտրոն մոտեցման ապահովումը,
- ազգային ավանդույթների և համամարդկային արժեքների զուգորդումը,
- նախադպրոցական կրթության բովանդակության մեջ սանի խոսքի, տրամաբանության, ֆիզիկական, մտավոր, գեղարվեստական զարգացման, իրավունքներին և պարտականություններին, Էկոլոգիական նախագիտելիքներին ծանոթացման ներառումը [2]:

1.2. Գեղագիտական դաստիարակության դերը կերպարվեստային գործունեության մեջ

Գեղագիտական դաստիարակությունը սկսվում է նախադպրոցական տարիքից՝ իր առջև խնդիր դնելով ակտիվացնել երեխաների շփումը արվեստի հետ, որի գեղեցկությունը կարող է նկատել և հասկանալ նաև նախադպրոցական տարիքի երեխան:

Այն ենթադրում է սանի ընկալման, երևակայության, հետաքրքրությունների, զգացմունքների, ունակությունների և հակումների զարգացում, հիշողության ձևավորում: Երեխան ընկալում է աշխարհը տպավորությունների և կերպարների միջոցով: Հուզական տպավորությունները և ապրումները խոր հետք են թողնում սանի կյանքում, և դրանք հետագայում երբեք չեն մոռացվում: Մանկության շրջանում հուզական ներդաշնակությամբ զուգորդված զգացողությունները վստահություն են ներշնչում աշխարհի հանդեպ և պահպանվում են ամբողջ կյանքում [5, էջ 92]:

Գեղագիտական դաստիարակությունը բացահայտում է նախադպրոցականի ընդունակությունները և ձևավորում անձնային կարևոր որակներ: Այն պետք է ուղղված լինի սանի ստեղծագործելու ցանկության արթնացմանը և ստեղծագործական ունակությունների զարգացմանը:

Գեղեցիկ միջավայրը սանի գեղագիտական դաստիարակության հիմնական պայմանն է և միջոցը: Այն նպաստում է նախադպրոցականի հուզական ոլորտի զարգացմանը և զգայական փորձի հարստացմանը:

Սանի գեղագիտական ընկալումը խիստ անհատական է: Դրա հիմքում ընկած է գեղեցիկի նկատմամբ հուզական արձագանքը: Ամենօրյա շփումը գեղեցիկի հետ նպաստում է այն ընկալելու, գեղեցիկ միջավայրում ապրելու ցանկության և պահանջմունքի արթնացմանը [1, էջ 154]: Սաների մտածողությունը դառնում է ավելի ճկուն, նպատակային, երբ նրանք միջավայրը հարմարեցնում են իրենց գործունեության պահանջներին, միջավայրով պայմանավորված՝ հետաքրքիր, գործնական խնդիրները սաներին դարձնում են ավելի կարող, հմուտ, հնարամիտ, գործունյա և անկախ: Այն բավարարում է սանի հետաքրքրությունները, ապահովում նրա անվտանգ և առողջ կենսագործունեությունը:

Սաների ուշադրությունը հարկավոր է հրավիրել այն բանի վրա, որ իրենք խաղում և պարապում են մաքուր, լուսավոր, գեղեցիկ կահավորված խմբասենյակում: Չբոսանքի ժամանակ երեխաները պետք է սովորեն տեսնել շրջակա միջավայրի գեղեցկությունը, դիտեն և զննեն մանկապարտեզի տարածքը, տեսնեն ներդաշնակությունը՝ ծաղկանոցի, այգու, խաղահրապարակի միջև:

1.3. Կերպարվեստային գործունեություն

«Կերպարվեստ և կառուցողական աշխատանք» ծրագրային բաղադրիչը նպատակաուղղված է կրտսեր 1-ին խմբում ձևավորելու սաների առաջին զգայական ընկալումները գեղեցիկի նկատմամբ, զարգացնելու լսելու, տեսնելու և դիտելու ունակությունները, հետաքրքրություն առաջացնելու կերպարվեստի տեսակների՝ նկարչություն, ծեփ, ապլիկացիայի և կառուցողական աշխատանքի նկատմամբ: Ծրագրային այս բաղադրիչի խնդիրներն են՝

- Խթանել հետաքրքրությունը կերպարվեստային՝ տեսակների նկատմամբ:
- Ծանոթացնել նկարչական նյութերին, ձևավորել մատիտի, վրձնի, ջրաներկի հետ աշխատելու հմտություններ:
- Ծանոթացնել ծեփակերտման նյութերին:
- Ծանոթացնել ապլիկացիայի և կառուցողական աշխատանքի հիմնական նյութերին:
- Ծանոթացնել երեք հիմնական գույներին:
- Ձևավորել պարզ առարկաներ պատկերելու կարողություններ:
- Նկարելիս բացահայտել առարկաների հարաբերությունները միմյանց նկատմամբ /հեռու- մոտ, բարձր-ցածր/: Չարգացնել զգայական ընկալումը: Սովորեցնել զգալ, դիտել, տեսնել շրջապատող միջավայրը:
- Ձևավորել երևույթների և առարկաների նկատմամբ հուզական-զգայական վերաբերմունք:
- Չարգացնել պատկերացումներ առարկաներին բնորոշ հատկությունների՝ ձևի, չափի, գույնի նկատմամբ [3]:

Երկուսից երեք տարեկան երեխաների համար գերագույն հաճույք է զբաղվել կերպարվեստային գործունեությամբ: Նման զբաղմունքը երեխային պարզևում է ուրախություն և բերկրանք: Կերպարվեստային գործունեության ընթացքում երեխան ունենում է դրական զգացողություններ, ինքնարտահայտման և ինքնադրսևորման հնարավորություն:

Կրտսեր առաջին խմբում կերպարվեստային գործունեության ընթացքում տեղի է ունենում բուն ճանաչողական զարգացում՝ սանը ձեռք է բերում առարկայի ձևը զգալու և այն արտաքին աշխարհին փոխանցելու հմտություն: Ձևավորվում են առարկաների ձևի, գույնի, չափի վերաբերյալ առաջին զգայական կողմնորոշումները, զարգանում են լսելու,

տեսնելու, դիտելու, վերլուծելու ունակությունները: Ձևավորվում են պատկերացումներ այն մասին, որ մատիտով, վրձնով, յուղամատիտով նկարում են, իսկ ծեփանյութով՝ ծեփում:

Այս տարիքային խմբում սաների ուշադրությունը պետք է հրավիրել թղթի վրա մատիտով, վրձնով ստացվող գծերի, ուրվագծերի, գույների, պատկերների վրա: Անհրաժեշտ է սաներին առաջարկել պատմել այն մասին, թե ի՞նչ են իրենք նկարել, և ինչի՞ է այն նման: Պարզագույն առարկաներ և երևույթներ նկարելով՝ սանը ճանաչում է դրանք, և նրա մեջ ձևավորվում են առաջին պատկերացումները արվեստի ոլորտում: Անհրաժեշտ է, որ սանը կարողանա տեսնել իրականի և նկարածի միջև նմանություններ և տարբերություններ: Սկզբում նա պետք է աշխատի տաք գույներով: Դա օգնում է նրան ուշադիր լինել շրջապատում գտնվող վառ, պայծառ գույներով առարկաների նկատմամբ:

Կերպարվեստային գործունեության ընթացքում երեխան աստիճանաբար սովորում է գույների, գծերի լեզվով «պատմել» իր տեսածի զգացածի մասին, ինչպես նաև զարմանք արտահայտել շրջապատի երևույթների վերաբերյալ: Կերպարվեստային գործունեությունը լավ տրամադրության սկզբնաղբյուր է, ուստի անհրաժեշտ է խթանել և զարգացնել հետաքրքրասիրությունը ստեղծագործական աշխատանքի նկատմամբ: Երեխան թղթի վրա արտահայտում է ոչ միայն այն, ինչ տեսնում է շրջապատում, այլև դրսևորում է սեփական երևակայությունը, խթանելով ստեղծագործական կարողությունների զարգացումը [2, էջ 9]:

Կրտսեր առաջին խմբում անհրաժեշտ է զարգացնել սաների հետաքրքրասիրությունը և ուշադրությունը կերպարվեստային նյութերի նկատմամբ: Տարեսկզբին երեխաների ուշադրությունը պետք է հրավիրել իր կողմից արված «խզբզանքի», տարբեր գծերի և ուրվագծերի վրա: Անհրաժեշտ է սաներին հնարավորություն տալ՝ տարբեր ուղղություններով բլրի վրա հետագծեր առաջացնել: Սկզբնական շրջանում այդ գործողությունները կարող են արտահայտվել անհամաձայնեցված շարժումների միջոցով, սակայն աստիճանաբար երեխայի ձեռքն այդ ամենը կկատարի ավելի վստահ և կոկիկ: Նկարչական գործունեության ընթացքում սաները պետք է սովորեն համեմատել առարկաներն ըստ մեկ հատկանիշի, գտնեն 2 առարկաների կամ երևույթների նմանությունը:

Այս տարիքային խմբի կերպարվեստային ծրագրի առաջնային նպատակներից է՝ տեխնիկայի ուսուցումը. մատիտը բռնել 3 մատով, կատարել տարբեր վարժություններ՝ կետեր, գծեր, շրջանիկներ, աղեղներ, մեծ և փոքր գունավոր օղակներ: Հարկավոր է սովորեցնել ճանաչել և տարբերել թղթի վրա քաշած հետագծերը, դրանք ճիշտ անվանել, խթանել գունավոր մատիտներով թղթի վրա նկարելու ցանկությունը: Նկարչական

տեխնիկայի խնդիրներից է՝ վրձնին ծանոթացումը, սասերը սովորում են վրձինը ճիշտ բռնել և կատարել վարժություններ՝ վրձնահարվածներ, վրձնահպումներ, մեկ գույնի օգտագործմամբ պատկերել պարզ առարկաներ, ճանաչել և տարբերել հիմնական գույները, որոշ բաղադրիչ գույներ, կատարել վարժություններ երկու հակադիր գույների զուգակցմամբ: Անհրաժեշտ է աշխատելու ընթացքում բացատրել ճիշտ նստելու, իրանի դիրքը ճիշտ պահելու, վրձնից և ներկանյութերից օգտվելու ձևերը: Հետևողական աշխատանքի կազմակերպման արդյունքում ձևավորվում են գույններկերով ճիշտ և կոկիկ աշխատելու, աշխատատեղը կոկիկ պահելու կարողություններ: Չարգանում է երեխայի շրջակա աշխարհի գեղագիտական ընկալումը: Կրտսեր առաջին խմբում կերպարվեստային պարապմունքների ընթացքում ծրագրային նյութին տրամադրվում է ավելի քիչ տեղ, իսկ նյութի ամրապնդմանը, կարողությունների և հմտությունների ձևավորմանը՝ ավելի շատ:

Այս տարիքային խմբում երեխայի շարժումները սահմանափակ են: Այդ առումով՝ խնդիր է առաջանում հետևել երեխայի ճիշտ նստելու և բնականոն կեցվածքի պահպանման գործընթացին: Պարապմունքներն ըստ տեսակի այս տարիքային խմբում շաբաթվա ընթացքում բաշխվում են հետևյալ կարգով.

- նկարչություն - 1 անգամ,
- ծեփ – 0,5 անգամ,
- կառուցողական աշխատանք - 0,5 անգամ:

Այսինքն՝ ծեփը և կառուցողական աշխատանքն անցկացվում են հետևյալ հերթագայմամբ մի շաբաթ՝ ծեփ, մի շաբաթ՝ կառուցողական: Արդյունքում ամսվա կտրվածքով կազմակերպվում են 4 նկարչության, 2 ծեփի, 2 կառուցողական պարապմունքներ՝ 10-15 րոպե տևողությամբ: Ծեփի և կառուցողական աշխատանքի պարապմունքները կարելի է կազմակերպել նաև այլ կերպ՝ կախված թեմայից: Եթե այն շարունակական է, կարելի է երկու շաբաթ անցկացնել ծեփ, իսկ ամսվա մյուս երկու շաբաթները՝ կառուցողական աշխատանք:

Ապիկացիայի պարապմունքներ այս տարիքային խմբում չեն կազմակերպվում, սակայն դրա տարրերն օգտագործվում են խավատախտակի վրա աշխատանքի ժամանակ: Այս աշխատանքը հիմք է հանդիսանում հաջորդ տարիքային խմբում ապիկացիայի պարապմունքի նախապատրաստման համար [2, էջ 11]:

ԳԼՈՒԽ 2. Հետազոտական մաս

2.1. Կերպարվեստային պարապմունքների նախապատրաստում

Փորձարարական աշխատանքներն իրականացվել են Երևանի թիվ 53 մանկապարտեզի կրտսեր առաջին խմբում: Ուսումնասիրությանը մասնակցել են 2-3 տարեկան երեխաներ:

Փորձարարական աշխատանքի նպատակն է եղել ուսումնասիրել կրտսեր առաջին խմբում կերպարվեստի մեթոդիկային ներկայացվող պահանջները և համապատասխանությունը նախադպրոցական կրթության պետական կրթական չափորոշչի հետ:

Պարապմունքին՝ նախապատրաստվելը սկսվում է պլանավորումից: Ընտրելով ծրագրային նյութը և որոշելով թե՞մա մանկավարժական աշխատողը ուսուցման մեթոդների և հնարների ճիշտ ընտրությամբ, կապահովի նյութի առավելագույն ընկալումը: Պլանավորման ընթացքում որոշվում է, թե՞ ինչ նախապատրաստական աշխատանք է հարկավոր կազմակերպել՝ դիտում, զրույց, պատմվածքի ընթերցում, ծանոթացում նոր խաղալիքին և այլն: Մեկ օր առաջ դաստիարակը նախապատրաստում է պարապմունքի համար անհրաժեշտ նյութերը՝ նկարչական թղթի հակառակ կողմում գրվում է սանի անունը, ամսաթիվը, անուններով թղթիկներ է նախապատրաստում նաև ծեփի համար: Անհրաժեշտության դեպքում երանգավորվում է թուղթը: Կտրվում են թե՞մային համապատասխան երկրաչափական պատկերներ, սրվում են կտրված մատիտները, պատրաստվում է աղի խմոր և այլն: Որոշ նյութեր պատրաստվում են հենց նույն օրը ջրով բացվում է ջրաներկը կամ գուաշը և այլն: Ծեփակերտման և կառուցողական աշխատանքների անվանաթղթերը դաստիարակը բաժանում է պարապմունքի վերջում:

Երեխաների պատկերացումներն այս կամ այն առարկայի վերաբերյալ ճշտելու նպատակով կազմակերպվում են զբոսանքներ, էքսկուրսիաներ, դիդակտիկ խաղեր, որոնց ընթացքում ծանոթանում են առարկաների ձևերին, չափերին, գույներին և այլ հատկանիշներին:

Պարապմունքից առաջ անհրաժեշտ է օգտփոխել խմբասենյակը, այս պարագայում երեխաները շուտ չեն հոգնի: Նմուշօրինակները դրվում են անհրաժեշտության դեպքում երկու-երեք տարբերակով, որպեսզի տեսանելի լինեն բոլորի համար:

Կրտսեր առաջին խմբում կերպարվեստային նյութերը սեղաններին է դնում դաստիարակը: Սակայն երբեմն որոշ նյութեր սաներին է հանձնարարվում դնել սեղանին՝ մատիտները, վրձինները կամ այլ նյութեր: Նման օգնությունը հետաքրքրություն է առաջացնում կերպարվեստային պարապմունքների նկատմամբ և խթանում

աշխատանքային դաստիարակությունը: Պարապմունքի ավարտին դաստիարակը երեխաներին սովորեցնում է հավաքել և իրենց տեղերը դնել կերպարվեստային պարագաները, լվացվել անհրաժեշտության դեպքում: Աստիճանաբար ձևավորվում են ինքնասպասարկման կարողություններ:

Այսպիսով, կերպարվեստային գործունեության յուրաքանչյուր տեսակ ունի իր առջև դրված նպատակ, ինդիքներ և վերջնարդյունք, որոնք բխում են նախադպրոցական կրթության պետական կրթական չափորոշչի պահանջներից: Ներկայացնենք կերպարվեստային գործունեության տեսակների վերջնարդյունքները:

Նկարչություն.

Տարեվերջին կրտսեր առաջին խմբի երեխան պետք է.

- ճանաչի նկարչական նյութերը և կիրառի դրանք,
- ճիշտ բռնի և օգտագործի մատիտ, յուղամատիտ, վրձին
- նկարի՝ օգտագործելով թղթի ամբողջ մակերեսը,
- նկարի օղակներ, գծեր,
- իմանա հիմնական գույները,
- պահպանի ճիշտ կեցվածք նկարելու ընթացքում,
- ինամքով օգտագործի նկարչական նյութերը:



Ծեփակերտում.

- ճանաչի ծեփվող նյութերը,
- ծեփակերտի ծավալային մի քանի մարմին՝ գունդ, ձեռքի շրջանաձև շարժումներով, գլան՝ ձեռքի ափերի հետ-առաջ շարժումներով,
- ափերով տափակեցնի ծեփանյութը,
- ծավալային որոշ մարմիններից տափակեցման միջոցով ստանա երկրաչափական պատկեր՝ գնդից ստանա շրջան,
- միացնելով գլանի եզրերը՝ ստանա օղակ,
- ծեփակերտի պարզ առարկաներ,
- ծեփանյութից առանձնացնի մանր մասեր:

Կառուցողական աշխատանք /ապլիկացիա/.

- տարբերի և անվանի կառուցողական հիմնական նյութերը,
- ըստ նմուշի կառուցի պարզ շինություն մեծահասակի օգնությամբ,
- կիրառի իր կառուցած շինությունները խաղի մեջ,
- կառուցի պարզ շինություններ՝ ուղղահայաց և հորիզոնական դիրքերով,
- ճիշտ օգտվի սոսնձից,
- նախապես կտրատված պատկերները փակցնի թղթի վրա,
- տարբերի և ճիշտ ընտրի գույները: [4]



ԵԶՐԱԿԱՑՈՒԹՅՈՒՆ

Այսպիսով, գիտամեթոդական գրականության ուսումնասիրության և հետազոտության փորձարարական աշխատանքի վերլուծության հիման վրա հանգել ենք հետևյալ եզրակացությունների:

ԳՐԱԿԱՆՈՒԹՅԱՆ ՑԱՆԿ

1. Է.Ա. Ալեքսանդրյան, Լ.Մ. Այվազյան, Ջ.Վ. Խաչատրյան – Նախադպրոցական մանկավարժություն: Դասագիրք: Եր., Մանկավարժ. 1992. – 270 էջ
2. Լ. Սմբատյան, Լ. Վերոյան, Լ. Սարգսյան – Կերպարվեստի պարապմունքները մանկապարտեզի կրտսեր առաջին և կրտսեր երկրորդ խմբերում. ՈՒսումնամեթոդական ձեռնարկ: - Եր.: Կրթության ազգային ինստիտուտ, 2015. - 224 էջ

3. Նախադպրոցական կրթական հիմնական ծրագիր կրտսեր առաջին խումբ (2-3 տարեկաններ)
4. Նախադպրոցական կրթության պետական կրթական չափորոշիչ
5. Ս.Ա.Մարության, Ա.Ս.Դալլաքյան – Նախադպրոցական մանկավարժություն: Բուհական դասագիրք: Եր., "Գասպրինտ", 2008